

մինչև կտրեցաւ անձրևէն, և ապա գնացաք ի տուն: Օրս եղիազար վարդապետն ի Ղալաթա գնաց:

Ուրբաթ օր (30 Մայիս):

Շաբաթ օր (31 Մայիս) գնացի ի ժամ. երեկոյիս ի Սուրբ Նիկողոս գնացի եւ քարոզ ասաց իյաչատուր վարդապետն, և անտի գնացի հետ Մղտեսուն ի տուն, եւ ելեալ ի տուն գնացի:

Կիրակի օր Յունիս ամիս. ի ժամն մեր գնացի եւ ճէր Պետրոսն Զիմառցին ի չլայէն հանեցին եւ պատարագ արաւ, և ճէր Յակոբն ձայնեաց զիս և բռնութեամբ հագոյց շապիկս՝ սակս դպրութեան: Նոյեմբերէն ի վեր չի արարի դպրութիւն և այսօր հագայ շապիկ եւ արարի դպրութիւն: Եւ յետ պատարագին տարաք գնորընծայն ի տուն եւ նստաք անդ զհացն ուտել, և յետ հացին ելաք անտի և ամենեքեան գնացին իւրաքանչիւր տեղիսն: Եւ ի ժամուս յայսմ եկան ուխտաւորք Երուսաղէմայ եւ բերին խապար թէ յոյժ խաղաղութեամբ են եղեալ Հոռոմքն առ մեզ և զլոյսն եղբօր պէս է առեալ վասն երկնչելոյն: Եւ յետ զայս լսելոյն գնացի առ Ծառուկն մեր և գնացաք ընդ Սարգիսին եւ ընդ Ղումրուն ի ծովեզր Ղումղափուն եւ նստաք ի նաւ, շուրջ եկաք ի վերայ ծովուն մինչ ի Նառլըղափուն և անդ ելեալ ապահովացաք, և դարձեալ մտեալ ի նաւ եկաք ի տունս մեր:

Բչի (2 Յունիս). վարդապետն եղիազար ի յԱտուածածին եկաւ: Երեկոյիս ի Մղտեսն գնացի:

Գչի օրս (3 Յունիս) եկն Հուսէինն մեր առ աղայիւն իւր, որ գնացեալ էին ի տուն Անտոնին ի Պուրսա՝ զապտ անել զգանձ նորա. ոչ մի ըստակ չը գտեալ, այլ ըոզակ և տան կապք և կահք, զի ըստակն նա յառաջմանէ ի Փոանգն ուղարկեալ՝ ի ժամանակէ Իփ-